

六邑皆土薄以瘠而矣
川民尤艱食歲比凶稔
狂待轉輸今雖纖波不
揚餘糧棲歛然撫綏教
養之方不可以治平懈

也其民皆土著俗習儉
樸無象犀珠玉華靡
之爲士多自愛拘守繩
檢其翹然秀出者復克
自振拔苞廬勸以理之

較於他邦為易治夫士
大夫學古入官受司牧
之寄解不以政治為急
顧因革之權寬猛之要
因勢利導相宜而施粗

於成法往、齟齬不合而
今世宦轍勤數千里其
於風尚非習見而每聞
之也按籍而稽之與閱時
而驗之其難易有辨則

志書之世惡容已哉余
久矣斯土樂其俗之無
事而通志那志適成
一人之手青典此邦多
士釐定其文章曲故

以垂位於後且予循是
而施其士民皆不吝悖
也後之官斯土者按諸
故藉驗諸民情其政理
之宜有不下堂陛而得

者而此邦士民亦多浴
德承行遵司牧之化導
以教養詠歌友

重熙累洽之休也余所厚望也乎
道光丁亥陽月乙酉

賜同進士出身廣東高廉道

隨帶加二級晉安葉申美
撰



序

安濤曩昔備員

史館與脩

大清一統志凡編纂事例移咨
各省臺吏令所屬州縣具列
條目上之以資采錄顧冊籍

毛舉掛漏酬塞者多嘗謂同
列

統志當以省志為根柢而省志
又以府廳州縣志為權輿此
先河後海之義也道光三年
癸未秋安濤以服闋拜高州

之除越歲抵任檢閱府志惜其字跡漶漫篇帙叢殘蓋自乾隆二十四年前道王公槩前守于公殿揆重修至今已閱六十有餘歲矣伏念我國家久道化成海隅蒼生罔不

率俾

聲教所暨文獻可徵高州山海交錯為嶺南奧區此六十年以來凡

慶典之優渥人材之振興重洋之肅清戶口之繁庶正宜條系件

舉臚陳美盛他若都鄙分合
仕宦玄來建置繕修孰舉孰
廢物宜地利或減或增一郡
之典章係焉百姓之利病關
焉莫為之繼久而溯如斯亦
守土者之責也先是宮保

制府阮公纂緝廣東通志舉
牢羣有蔚然巨觀茂名王勲
臣重編縣志亦復條理井々
爰陳請今高廉道葉公檄
行電白等五州縣同時修纂
得所取材而體例折衷則一

以通志為準是役也開局於
甲申之秋友人吳江廩貢生
潘眉精覈地理延之秉筆余
簿領倥偬未遑商榷會乙酉
仲冬奉臺檄量移潮州屬替
守海公踵成斯舉庶冀於

統志或可備葑菲之采効涓埃
之助乎至博搜見聞鳩賁襄
贊校釐字句董率刊鐫同寮
諸君子暨都人士與有力也
表其姓名別為一幅裨堪草
創樂觀厥成謹質言之以為

序

賜進士出身廣東潮州府前知高
州府事嘉善黃安濤撰

序

余以道光五年冬蒙

恩簡調高州入境以來覽其山川形勢封疆關隘知是郡袤廣數百里西北控扼西省東南遙接番島為海疆要地及

覽民風土俗則皆淳樸溫良謹厚無陵競澆漓習氣余得斯邦士民綏之撫之整齊而鼓勵之誠幸甚然余所得接於聞見者山川形勢惟覺寄歎蕙鬱而已欲指其名

勝古蹟則茫如也封疆關隘
惟覺扼塞慎固而已欲究其
沿革廢置則亦茫如也民風
土俗惟覺恬熙靖謐而已欲
舉伊昔以來某也忠某也孝
某也廉節某也文學則又茫

如也至學校禮樂之大典賦
役軍防之切務更無論矣然
則欲縷析條分周知詳細窮
原竟委備悉由來綜厥綱領
以統會於胸次舍一郡之全
志將何自而求之下車後始

知前任魏塘黃公方開局纂
修府志尚未歲事乃欣然踵
而輯之以樂觀其成夫高州
之有志由來久矣宋時有舊
圖經新圖經二書新圖經五
卷劉崇撰亦名高涼志明則

宣德年間知府富敬修之萬
歷年間知府曹志遇修之
國朝康熙年間凡兩修雍正年
間又修乾隆己卯年又修自
雍正以前之志皆佚惟己卯
一志僅存余先取而繙閱之

霉爛駁蝕大半漫漶不可辨
且自乾隆己卯迄今已六七
十年矣前府重修之舉誠不
容更緩再取新稿閱之則缺
略甚多僅輯其半蓋六州縣
惟茂石二志係近年所修吳

川續修頗捷故新稿於三縣
采取稍脩至電信化正在重
修書皆未成宜乎新稿之僅
有其半也於是文檄頻催至
今年二三月始得絡續送齊
交局編纂秋乃告成新志雖

依傍舊志其中頗有增改如
星野之晷度兵志之海防秩
官之嶺西道武職官皆增也
建置之隄障津梁人物之統
編列傳藝文之以體分詩皆
改也舊志惟沿革為表新志

則職官選舉皆為表是又變
通舊志而用通志例也昔子
夏聽人讀三豕渡河知為己
亥此字之以形而譌者劉向
校晏子知以章為長校列子
知以盡為進此字之以音而

譌者舊志形譌音譌之處不
少豈惟字譌而已徵引亦多
其實新志於沿革及往代秩
官頗多校正非特為乾隆己
卯以後續纂事實已也查雍
正戊申新安黃公修志未竣

至己酉介水張公踵成之今
魏塘黃公於甲申草創至丙
戌余踵成之先後事適相類
惟卷帙較繁故為時稍長計
自前府於四年初秋創修至
今年季夏事仍未竣凡三年

有奇矣茲奉

命回京不獲觀厥成是厚望於
接斯任者爰為之序
賜進士出身知高州府事加五
級紀錄八次海壽撰

道光壬午春 前宮保制府
阮公纂修廣東通志成頒
發各府州縣牢籠萬有炳
炳麟麟洵足以供

史館之採而下資文獻之徵矣
聞之宰一邑者必周知一邑

之事守一郡者必周知一郡
之事夫歆周知其事非徒
競一時之耳目問一時之利
病必將考其山川關隘見
歷代沿革廢置之故按其
版圖風俗見